

ՊԱՏՄՈՒԹԻՒՆ ԲԱՂԱԲԻՆ ԲԻՒԶԱՆԴԻՈՆԻ

Որ ցարդ կոստանդնուպոլիս անուամբ հռչակի քաղաքամայր հոյակապ՝ յափունս Պոսփորոսի, յանյիշատակ ժամանակաց կրէր նա զանունս Բիւզանդիոն. այլ պատճառք անուանս և հանգամանք՝ անծանօթ կացին միշտ 'ի պատմութեան. և որպէս բազում այն է զի պաճուճեալ առասպելօք ընծային դէպք նշանաւորք, այսպէս և անհաւատայի իսկ ինին դիւրաւ գիտուն և փորձ մըտաց: Այսպիսի ինչ կրեաց երբեմն և Բիւզանդիոնն մեր, չբեղազարդ կառուցեալն 'ի ծովու քաղաք, և իւրով մեծալուք պայծառութեամբ նախանձելի բազմաց 'ի պետութեանց: Չնմանէ արդ և մերոյս Ղազարայ փարպեցոյ՝ երևելի պերճաբանի 'ի Ե դարու, զոյդն ինչ բան գրեալ, ասէ ուրեք և զպատճառս անուանն եղելոյ. որպէս զի փորրիկ քաղաքիկն այն կառուցեալ իցէ յառնէ միջէ Բիւզաս անուն կոչեցեալ, և զոր մերձակայ գոլ ասէ Թրակացոց սահմանակցութեանն. և ապա յանցանել ժամանակաց իցէ հռչակեալ անուն նորա 'ի բազում գէպս՝ զոր 'ի պատմութենէ ունիս տեղեկանալ: Այլ նոյն ինքն Ղազար (Պատմ. էջ 13.) երկուս իմն ցուցանէ քաղաքս, զբունն՝ որ և կոստանդնուպոլիս, այս է՝ կոստանդինոսի քաղաք, ուր և յաստուածային հրամանէ խաղաց և եկն կայսրն կոստանդիանոս և հաստատեաց անդանօր զիւրն աթոռ և 'ի նմանէ յորթոյնցաւ անուն քաղաքին կոստանդնուպոլիս. և կամ, ըստ ասոց ծերունւոյն Խորենոյ՝ յանրկոց տեղեկացեալ անդէն զետեղեցաւ կայսրն և գլուխն Արևելից. և միւսն այն իսկ է, զոր և ցաւուրս իւր ասէ կոչել Բիւզանդիոս, Թաղ մի ևեթ, ախկ որ յառաջագոյն յինեալ Բիւզանդիոնն էր, Թաղ մի յեղեր նորին քաղաքի, որ մինչև

ցայսօր նորին անուամբ կոչի Բիւզանդիոս ։

Ասասցուք սակաւուք գերեւելի ինչ գէպս քաղաքիս Բիւզանդիոնի՝ որ շըրջապատէր 'ի հիւսիսոյ փորրիկ գոգով ծովու՝ որ կոչի արդ Եղլիշր ոսկւոյ: Քաղաք գեղեցկահայեաց, դուռն տուր. և առից և վաճառուց և յապահովի յաւմենուստ: Հիմնարկութիւն քաղաքիս ասի լինել 'ի Մեգարացոց<sup>1</sup>, որ յղեցին անդր գաղութս յամս 667 և 628 նախ քան զԲրիստոս: Այլ ոչ պակասեցին նմա և ձախողաք, յորս բազում այն է՝ զի եկաց որս թշնամեաց, որ երբեք երբեք վրդովեցին զխաղաղութիւն նորա: Մինչ 'ի ձեռն էր նա Սպարտացոց՝ էառ զայն Ալիպիադէս յամի 408, և յետ ոչ բազում ամաց վերստին գրաւեաց Լիւսանդր 'ի 405. պաշարեցաւ 'ի փլիպպեայ մակեդոնացոյ յամի 340. ծանրաբեռն հարկք ճնշէին զնա յամի 279 'ի ձեռն Գալլիացոց: Իսկ յամին 196 յետ Բրիստոսի առ զայն Սեւաորոս կայսր՝ զկնի երկից ամաց պաշարման, յորում հարթ եղնն գետնոյ պատուարք նորին և չարաչար հարան բնակիչքն. մինչև հուսկ ուրեմն կոստանդինոս մարտ ընդ Լիկինեայ մըղեալ է առ, և յամի ֆրկչին մերոյ 330 կառոյց զկոստանդնուպոլիս քաղաք, 'ի տեղունն՝ յորում կայր Բիւզանդիոն, և կոչեցաւ Նոր Հռոմ, որ հանգոյն Հնոյն ամբառնայր 'ի վրայ եօթանեցունց բլրոց, զարդարեալ զնա եկեղե-

1 Արի ևս եթէ Բիւզանդիոն լինեցաւ 'ի տեղւոյ քաղաքի միոյ հնոյ՝ որ կոչէր Լիւս, զոր յիշատակէ և Աւստինոս քերթող լատին: Չիցէ թերևս անդէպ յիշատակել այսու անուամբ զԼիւսէ 464, զորում ասէ Փարսեցին մեր պատմագիր (էջ 11), լինել մարտի ընդ կոստանդինոս և ընդ զօրն Գրեաց:

ցեօք և ապարանիք և ութ բաղանեօք հասարակաց :

Այլ յաջորդք մեծի կայսերն յաւելին 'ի շինուածս անդր . Թէորոս մեծն կառոյց զԴուռնն Ոսկի , և փոքրն՝ զՋերմուկն , և Յուստինիանոս՝ զուրբն Սուրբիա և քօան և հինգ այլ եկեղեցիս : Այլ յետոյ միւսանգամ ձախողութիւնք կեղէին զմեծակառոյց քաղաքն , անդէն յաւուրս Յուստինիանու գրեալթէ ըսպառ սպուռ կործանումն ընկալաւ քաղաքն 'ի 532 : Պաշարումն 'ի խոսրովայ 'ի 616 ամէն մինչև 9626 , և յԱրաբացոյց՝ յամս 668 և 675 , 'ի 716 ց718 : Զկին ուրեմն տիրեցին փռանկը կամ լատինք 'ի 1204 , և հուսկ վերջին 'ի Տաճկաց առաւ յամին 1453 : Այսպիսի և այլքան անցք խռովեցին զԲիւզանդիոսն զայս :

Զայլ բազմադիմի և մանր մանր անցս պատմութեանց , զոր կրեաց անուանիս այս քաղաք , զԵղեափոխ իրս՝ զոր ետես յայտափ դարս , և զոր տեանէ իսկ յաւուրս մեր , զայն ամենայն թողեալ 'ի պատմութիւնս յաճախադոյնս՝ որ կոչին Բիւզանդարանքն և այլք , տեսցուք զդոյզն ինչ բանս զոր ունիմք 'ի նախնեաց մերոց յերանաշնորհ արանց՝ յաղագս շինուածոյ այսր քաղաքիս : Դոյզն ինչ է բանս , այլ ոչ անշան՝ հետախոյզ քննասիրաց :

Թէպէտ չիք 'ի մեր թարգմանութեան անուն հեղինակին , այլ գտաք 'ի մեծ Բիւզանդարանս՝ լինել իսիքիոսի ուրումն Միլեսացոյց : Իսիքիոս ոք Միլեսացի՝ գրիչ բազմաց մատենից , զորոյ կրկին դրեանս յիշէ ինքնին փոտ յիւրում Բիւրամատենին , զմին՝ 'ի Բելայ յԱսորեստանեայց արքայէ ցմահ Անաստասայ կայսեր , և զմիւսն՝ զիրս և զարարս Յուստինիանու կայսեր , յիշել յիշի՝ այլ թուականն անստոյգ , և եթէ ո՛րք իցէ այլոք չգիտեմք ճշգրիտ : Իսկ 'ի զիրս ինչ Օրինաց յիշատակի Իսիքիոս ոք զպիր առնական՝ զորմէ ասի բազում ինչ գրեալ զմեծէ քաղաքէս : Այլ այս զիարդ և իցէ , մասն ինչ 'ի փոքրիկ պատմութեանէ գտանի յեղեալ 'ի հայ

բան՝ չգիտեմք երբ և յոր ձեռն . սակայն ճարտար ձեռն գրչին կարծիս տայ ոչ սակաւ հնութեան թարգմանութեանս : Միայն զի 'ի կարգի պատմութեան մասն ինչ յետոյ երևի յաւելեալ յաղագս Օգոստեայ կայսեր և յաջորդացն , զոր ունիմք նշանակել 'ի կարգի գրութեանս : Դիցուք աստանօր զասացեալք թարգմանութիւն նախնեաց 'ի դրօսանս բանասիրաց , ծանօթաբանեալ միայն ուր ուրեք պէտք ինչ իցեն իմացուածոյ բանիցդ : Իսկ զբնագիրդ յոյն կարեն գտանել խնդրոք 'ի մեծ Բիւզանդարանս , յառաջնում հատորի , յէջ 159<sup>1</sup> :

Պատմութիւն իսկզբանէ շինութեան հոյսկայ քաղաքին և պանծալի Բիւզանդիոսի<sup>2</sup> :

« Առնեմ<sup>3</sup> թէ Արգիւղիքն առաջինք աստուածահրամանովն<sup>4</sup> վարեցան , վասն որոյ ասացաւ այսպէս . . . Աստուտ երկու կորիւնք 'ի սրբազանն հասանեն ծով՝

Ուր հուկն և եղբւրու առ միմեամբ ճարակէին<sup>5</sup> :

առ միմեանս առնելով զմիմեանց բնակութիւն յայսմ վայրի , յորում կիդարոս այլ և Բիւրոնդէս գետք<sup>6</sup> զելս առնեն , մին 'ի հիւսիսի և միւսն 'ի մուտս

1 Բիւզանդարանք , տպագրեալ 'ի Վենետիկ 'ի 1729 :

2 Այդ է խորագիր բանին 'ի հայ ձեռագրիս մեր . իսկ 'ի յոյն գծի՝ Իսիքիոսի Միլեսացոյց Զայրէն նախնէ Ապագիւղագրոյց :

3 Յառաջ քան զայս գտն այլ բանք սակաւատողք , որ չգտն 'ի մերումս ասու :

4 Արաքսոյ ափանման . այսպէս օրհնեցաք ըջխառնակ գրութիւն ձեռագրիս , որ ունէր առ Գրաքանութիւն :

5 Այդ պատգամն Պիւթիայ՝ չորեքտողեան էր 'ի բնագրին , իսկ 'ի մերումս երկուք և եթէ . մէք այնպէս թողաք զմերոյ ձեռագրիս կարգ՝ որ փոքր 'ի շատ օրէ ածէ զմասսոս պատմութեան :

6 Երկուքն գետքս Արաքս և Բիւրոնդէս (և այս վերջնս կոչի 'ի յունին Բիւրոնդէս և ըստ Սուրբ Գասայ Բարբիթոս) անծանօթք են մեզ այժմ :

արևու ծագելով, և առ Սիմէտրէս հարսին բազնին<sup>1</sup> 'ի ծով խառնին :

Արդ 'ի բախտն<sup>2</sup> հասնալք, և զոհիւք զնեովայրիսն<sup>3</sup> հաշտեցուցեալ դիս, ագուառն 'ի քահանայագործութենէն յափշտակեալ սուղ մասն ինչ մնոյ՝ յայլ փոխարկեաց տեղի, որ ունի զԲոսպորոսի<sup>4</sup> զառասացութիւնն. Նախորդի ումնն ցուցեալ զհաւուն թռիչս<sup>5</sup>, յորմէ և Արլառարօտ<sup>6</sup> վայրն կոչեցաւ :

Եւ այլք զՄեգարացիսն<sup>7</sup> պատմադրեցին 'ի կղզոյ ումննէն<sup>8</sup> ազգաւ 'ի վայր իջեալք, և նաւարկութիւն 'ի տեղոյն յայնմիկ առնելով, առաջնորդութեամբ Բիւզանդիոս<sup>9</sup>, զորոյ զառասացութիւնն առասպելաբանութեամբ յաւելուն քաղաքին :

Արդ ոմանք զանազան<sup>10</sup> բանիւք վարեցան, այլ մեք հաւանական զպատմութիւնս կամողացն աւանդեսցուք, 'ի յինաքոսի դատերէն 'ի Յովսէայ՝ սկիզբն առնելով :

Քանզի ինաքոսի Արգիացուց թաղաւորին դուստր եղև Յովսէ<sup>10</sup>, և զկոյսս

զայս պահէր Արգոս՝ զոր Բազմակն<sup>1</sup> կոչէին :

Այլ քանզի Զևս<sup>2</sup> տափեալ աղջկան՝ հաւանեցուցանէ զՀերմէս՝ նենդաւ ըսպանանել զԱրգոս, և լուծանելով զկուսութիւն նորա՝ 'ի ձեռն Զևսի յարաւ փոխադրեալ լինի. և Հերայ բարկացեալ ընդ եղեալսն՝ մոլութիւն հասուցանէ երնջուն<sup>3</sup>. և ընդ ամենայն ածեալ լինի ընդ խոնաւ և ընդ ցամաք. այլ քանզի և 'ի Թրակացուոցն հասանէր գաւառ՝ անուռ տեղոյն թողոյր Բոսպոր վրոս : Եւ ինքն ելեալ 'ի տեղին՝ որ կոչի եղլիւր<sup>4</sup>, յորում վայրի կիդարոս և Բիւրինդէս գետք ընդ միմեանս զուգեալ խառնին, ներքնակաց տեղոյն հրամանատրեն զապառնին. և զասացեալն կերականայ<sup>5</sup> 'ի բաց ծնաւ, յորմէ և եղլիւր տեղոյն անուանեցաւ :

Եւ այլք մանաւանդ զրութեան տեղոյն յաւելուն զանուեղ, և այլք պրտողոցն քալաբերութեամբ եղլիւր Ամաղթեան այծուն<sup>6</sup> ասեն :

Այսուհետև կերովս սնեալ<sup>7</sup>, և հրա

Սորա գուստր Յով կամ Յովս փոխեցաւ յարջառ՝ առ 'ի զերծանել 'ի մոլեգնութենէն Հերայ. ապա առ զառաջին կերպարանն, և յետ մահուն պաշտեցաւ յԵփեսոսս՝ իսկ յորըրմամբ :

1 Արգոս որդի Արեստոսայ, հարկաւորկեայ, յորոյ 'ի ներքնէն կէս ապցն փակեալ կայր, և միս յիսունն 'ի բաց : Սմա յանձն արար Հերա զՅով՝ յարաւ փոխարկեալ. այլ Հերմէայ թաղաբեցուցուն զնա 'ի ծայն սրնգի՝ հատանէ զքըրուին. իսկ Հերայ առեալ զայն՝ սփռեաց զտրաւնովք սիրամարգի, ուստի ել 'ի վեր հրաշային այն առուն սիրամարգի :

2 Զևս ե՛ղոյն ինքն Արամազդ 'ի մեղ :

3 Ահա այն առ Յովս փոխարկեալն յերնիշ կամ յարաւ և մոլեգնութիւն կրեալ 'ի Հերայէ՝ բերի ընդ ծով և ընդ ցամաք, և անցեալ 'ի Թրակիա՝ զԻնաասիկ անուանն թողու 'ի տեղաւն Բապտոս :

4 Եղլիւր. զյորըրմումն կերաս Էգրաս յիշատակեն և Ամփանոս Մարկելլոս, Զոսմոն, իսկ ոմանք կոչեն զսա՝ Ոսկեղլիւր :

5 Կիւսա կամ Կիւս կամ Կիւսե (Ճիգազյն ևս) եր գուստր Յովսեայ գետեր ինտքոսի :

6 Ամաղթեան այծուն եղլիւր անուանի եր առ հինոն իբր նշանակ առատութեան և բազմաբեղուն ամաց, որով յարմարէ իմն զանուեղ Սըլիւր ընդ այսմ մեկնութեան :

7 Կերպէս անու. նոյն է՝ զոր 'ի վերայ ասաց Կերաս. այլ յոյն ունի՝ Կերաս սնեալ առ Սեմաւորեայ հարսին :

1 'ի մեղ քերտն Սեփրէն՝ 'ի յոյն բնագրին առ Սեփրէն, որ յայլ պատմագիրս այլազգ քեր :

2 'ի Բախտն հասնալք, թուի քաջիկ ևս ըստ յուսնին՝ հասնալք ըստ բախտի կամ ըստ սահմանելայ նախապարհին :

3 Ներշնչի՝ կոչին դիւ կամ Դիւ, որպէս 'ի ստորեւ, որ բնիկ գաւառին են պահապանք և աստուածք ինմանակալք :

4 Բոսպորոս կամ Բոսփորոս, նշանակէ ըստ բառին Առլուանց, որպէս ոմանք 'ի մերոց Թարգմանացն ասացին : Իսկ ափառն աստ 'ի յունին առի բալէ, և Աստատիզին Ժամանակապէրն յոյն առն ափառն :

5 Զհաւանն Թալու. 'ի ձեռնաքի մերում՝ քերտէ եր հետանն իս, զոր եղաք ըստ բնագրին :

6 Աքլաուսոք, ոչ է Բոսպորոս, այլ (Βουκολια) ռուսն յոյն, որ լսի արօս արջառոց :

7 Արգոսի շատք 'ի բիւզանդեան պատմագրաց զԲիւզանս կոչեն պիւսաւոր զաղթականութեան Մեգարացուց և ոչ Արգիացուց :

8 'ի իւլոս Դիւնէ. համարին ոմանք ըմբռնուել 'ի յունական բառին զԿաթառիս, զորմէ ունին տեսանել 'ի բիւզանդական այնարհապիրս :

9 Բիւզանդիոս, որ ուղղագրոյն Բիւզանս յորըրի, եր բնակեցուցիւ զաղթականութեան Բիւզանդիոնի :

10 Խաքոս, սա ած զառաջին եփեսոսկան գաղութս 'ի Յոնաստան և կանգնեաց զԱրգոս, որպէս կարելի յամ 1866 նախ քան զՔրիստոս :

չափառ. կերպարանաւ պայծառացեալ յոյժ քան զթրակացոց կուսանան գե-  
րազանցեալ զեղաղէշ պայծառութիւն,  
և ընդ ծովայնոյն խառնակեալ Պիսիդո-  
նի ծնաւ զկոչեցեալն Բիւզաս <sup>1</sup>, զա-  
նունս զայս մակակոյնի 'ի սնուցանողէն  
իւրմէ թրակացոց Բիւզոհիայ <sup>2</sup>, որ է  
տեղի՝ յորում մինչև ցայժմ 'ի ջրոյն  
քաղաքացիքն առեալ լինին <sup>3</sup>:

Արդ յորժամ յարբունս ածման հա-  
սակի համբակն յառաջեալ լինէր, և 'ի  
թրակացոց լերինն զեղեբերեալ լինէր,  
ահագին առ զազանս և բարբարոսս ե-  
րևելով, մաղթման <sup>4</sup> ընդունէր առ 'ի  
կուսակալացն՝ մարտակից լինել նոցա  
և բարեկամ:

Արդ իբրև Պելիաս <sup>5</sup> թագաւորն թրա-  
կացոց առ զազանամարտութեան նա-  
հատակութիւն կոչեաց զնա, և զառ 'ի  
նմանէ կարծիս Բիւզաս պահանջեալ ե-  
ղև՝ զհնազանդեալ ցուն 'ի քահանայա-  
գործութիւն մատուցանելով, և զհայ-  
րենի դէսն հայտեցուցանելով՝ առ ա-  
սացեալ գետոցն խառնուան <sup>6</sup>, արծուի  
մի յանկարծակի երևեալ զսիրտն յա-  
փըշտակէր զոհին, և առ ծայրս բոս-  
պովրական քարանձաւին հանդէպ Քը-  
րիսոպոյսի <sup>7</sup>: Զոր Ովրեստէս որդի Ա-  
գամեմնոնի 'ի Քրիսէիւղայ ծնեալ <sup>8</sup>,  
փախուցեալ 'ի Ալիստեմնեստրայ դաւա-

ճանութենէն <sup>1</sup>, և առ փիւզինի <sup>2</sup> 'ի  
խնդրին փութացեալ քեռ իւրոյ, յիշա-  
տակ իւրոյ թաղմանն բնակելոցն 'ի տե-  
ղոյն յայնմիկ զանունս զայս եթող՝ ա-  
նունելով զնա Քրիսոպոյսի, անդա-  
նոր հասանելով դարձմանն <sup>3</sup> կենցա-  
ղոյս և անդ հասեալ արծուին ընկենու  
զսիրտն զոհին 'ի շինութիւն Բիւզան-  
դիոն քաղաքի: . . . . . <sup>4</sup>

Թորում ժամանակի և Բիւզաս չինէ

1 Քանզի Ալիստեմնեստրայ մուշակ լիւստի  
զայրն իւր զԱգամեմնոն զայն ինչ դարձեալն յի-  
լինէ՝ սպանուէր:

2 Այն է՝ Իսիփաքէնի, զոր արկ Արտեմիս  
յեւաքսիդեսանն ծով:

3 Այս ինքն՝ անգանոր պատահելով վախճանի  
կենացն:

4 Աստանոր հայ օրինակս մեր մուշանէ մասն  
ինչ օտար 'ի տեղոյս, զոր անորոժեմք կարգել  
աստէն. Արդ պարտ է գտնել թէ թագաւորը  
երկցադոյր Հռոմայեցոց՝ կայսերը յաղաքս  
այստիկ անուանեցան, զի Ագաթոսոս Անսար ոչ  
լստ բնութեան ծնեալ 'ի մօրէն իւրմէ, այլ  
յերկիւզ թագութեան մօր նորա գողով վախճա-  
նեցաւ, և կայտուելով մանկան յորովայնի նո-  
րա, պատահեալ զորովոյնն արտաքս հանին  
զմանունն, անուանեցին զնա լատինացի լեզուաւ  
Ճէսար (Caesar), որ թարգմանի փոքահաս: Սա  
անեալ եղև թագաւոր բարեբախտ և ամենայն  
առաքինութեամբ զարգարեալ. վասն որոյ  
և թագաւորը զկին նորա՝ զստեմնակորութեան  
նորա պարծանս ինքեանց վարկանելով կոչէին  
Անսարը և Ագաթոսոսը: Իսկ Ագաթոսոսս այս  
երթեալ 'ի դիւթարանն՝ հարցանէր թէ ով ոք  
իցէ որ զկին նորա թագաւորեցող իցէ իշխանա-  
կան պետութեանց Հռոմայեցոց, և առաջնուան  
հարցուածին ոչինչ ընկալեալ պատասխանի:  
Դարձեալ երկրորդ անգամ մատուցեալ հար-  
ցանէր թէ ընդէր ոչ ետող պատասխանի իմոյ  
հարցուածոց: Եւ լռեաց այսպէս դիւթարանն,  
այս լուաւ պատասխանի այսպէս: Մանուկ օմն  
երբայեցէ հրամայէ ինձ աստուած երանելի և  
թագաւոր՝ զստեմն զայս թողուլ, և դարձեալ  
այլուր ճանապարհորդել: Եյսուհետև զնա դու-  
միտանց մտոյր, Յաւուր ժամանակաց սորա հօռ  
մայական բարեբախտութիւնն յաճանեաց: Եւ  
յկտ սորա թագաւորեաց Տիբերիոս. և նոյն Տի-  
բերիոս փոխանորդ կացոյց թագաւորութեան  
իւրոյ զնախածին իւր, այս ինքն զԽորթն: Այլ  
առաջին թագաւորեաց Հերոպոլիցոց յայլազ-  
գեաց Հերոդէս որդի Անթիպատրոսի. իսկ եր-  
կրորդ՝ Արքեղայոս որդի նորա. սա արտասահ-  
մանի առ 'ի Հռոմայեցոց 'ի Բեննայ 'ի քաղաք  
Գալլիբանդի: Երրորդ թագաւորեաց Լէրիցն  
յայլազգեաց Հերոդէս եղբայր Արքեղայոսի:  
սա զիստեաց զՈվաննէս Մկրտիչ յառաջնուան  
ամի թագաւորութեան իւրոյ: Յաւուր սորա  
և Տէրն մեր չարարի 'ի թագաւորութեանն Տի-  
բերի. նոյն Տիբերիոս զՊիղատոս Հրէաստանի

1 Միտա լիւսեյանք Բիւզաս. մերս ձեռագիր խառ-  
նակ ունէր այսպէս ծնող յոչեալ Բիւզաս, զոր  
լստ յունին կամեցաք ընթեանուլ՝ ծնաւ զլիւս-  
եյանք Բիւզաս:

2 Բիւզանի. յն. (Βυζαντιν)

3 Իմամ այսպէս. « Հարսին Բիւզոհիայ, յորոյ  
'ի ջրոյն և ցարգ ևս առնուն քաղաքացիքն »:  
Այլ շուր կամ աղբիւր Բիւզոհիայ չիլառակի  
ուրեք, բայց զդեակ մի և եթ գտանի յիշեալ առ  
կեղբերներս:

4 Մալան. յոյն ընթեանուլ՝ հրէշտակու-  
թիւնս, պատգամս:

5 Պելիաս թագաւոր թրակացոց. այսպէս  
մեր օրինակս: այլ յոյնն՝ Մելիտ ասէ արքայ  
Թրակիոյ՝ որ չերևի այլուր յիշատակայ:

6 Ասացեալ գետքն են Արտեմիս և Բիւզանդի՝ ըստ  
մերում թարգմանութեան:

7 Քրիսոպոյս, որ է պոմանն իսկիւսար, որ  
եռես զպարտութիւն Լիկիեայ 'ի մեծէն Առա-  
տանգիտանոսէ յամի 323:

8 Յոյնն ասէ՝ Քրիսեան որդի լեալ Ագամե-  
մոնի 'ի Քրիսէիւղայ:

զիւղանդիւնն <sup>1</sup> 'ի ծովեզերք Բոսպորա-  
կան ծովուն՝ բարերաստութեամբ առ  
'ի բախտէ յաջողեալ: Եւ նախ շինէ  
զպարիսպ նորին վեհազոյն ինչ հնա-  
րիւք. քանզի զբրդունսն իրեն զկենդա-  
նիս հնչել և բարբառել ընդդէմ իրերաց  
յարմարէր <sup>2</sup>. Եւ եթէ հնչումն փողոյ  
կամ այլ ինչ վայնի հասանէր 'ի բր-  
գունս՝ մինն առ միւսն փոխադէր  
զձայնն և հասուցանէին առ հանգէպ  
կացեալսն:

Ասի և այլ ինչ առ 'ի պատմագրացն,  
Հերակլէս կոչեալ բուրգն համաւելին <sup>3</sup>,  
թէ զարտաքոյ խորհուրդ թշնամեացն  
փոխադրեալ բացայայտէր այնոցիկ որ  
'ի ներքոյ լինէին պարսպին:

Եւ յետ կառարման պարսպին՝ տա-  
նար աստուածոցն շինէր: Առաջին՝  
Հռէի <sup>4</sup>, 'ի տեղւոյն որ Բասիլիէն և  
նուանի, տաճար և անդրիանդ <sup>5</sup> հաս-  
տատեաց, որ և Բախտ առ 'ի քաղա-  
քացեացն կոչի: . . .

Ապա 'ի տեղւոյն որ կոչի Ստրատի-  
զոն, զէանդեայ և զԱբիւլեայ զբազինն  
վերականգնեաց, յորում տեղւոյ և բա-  
ղանիքն Աբիւլեայ. յետ այսորիկ Ամ-  
փիարեսի գիւցազին 'ի տեղւոյն որ Սի-  
կէք անուանի, որ զմականուներթիւնն  
'ի թզաբեր ծառոցն ընկալաւ:

Եւ փոքր ինչ վերագոյն Պիսիդոնի  
տաճար շինեաց, զԱփրոդիտեայ ասա-  
ցեալ տաճարն: Այլ Արտամիդէս <sup>6</sup> առ-

դատաւոր առաքեաց: Ի ԲԵԼՂ ամի լինելութեան  
աշխարհի եղէն չարաբարեան Տեան մեղոյ Յե-  
սուակ փրկաստիւ <sup>1</sup>. Եւ 'ի չարժամանի բազում մա-  
սունք Հրէաստանի և ամենայն երկրի կործա-  
նեցան քաղաքք և բնակչոք: Այլ Պիղատոս յա-  
ւուր Փայիսոի 'ի պէսպէս պատուհաս անկեալ  
ինքնասպան եղև:

1 Ըստ ոմանց՝ կառուցող քաղաքին Բիւզան-  
դոնի՝ կոչեցեայն Բիւզաս, եկաց յառուր թա-  
գաւորութեան Տուրքեայ Ոստիւնայ (673-641),

2-3 Չայս հրաշակաւորոց բրգանք բազումք 'ի  
Բիւզանդացոց հրաշակս միպէն, որպիսիք ու-  
մանք Սուրբաս, Կեդրենոս, Չոնարաս և այլք:

4 Հռէա՝ ըստ գեցարանից՝ էր դուստր Երկնի  
և Երկրի, որ կոչէր և Կիւրէլէ: Կրկին էին Բասի-  
լիկէն, յորից մին կոչէր Թէոդոսեան Բասիլիկէ:

5 Ափրոդիտ, կամ Ընթերցիլի՝ քաճար և անդրի անդ  
հասարակեաց:

6 Թուրք ընթերցու: Այլ և Արտիմիդէս աս թու-  
նայ ւերմն ւնէր քաճար:

Թրակայ լերամբ շինէր տաճար, քանզի  
զվայրն զայն յիւրում սահմանեաց քա-  
ղաքի. և 'ի պէտս էր, զի բարբարոսն  
'ի նմանէ մերժեցին, և մանաւանդ Ե-  
մա՝ որ էր բռնաւոր թրակացւոց <sup>1</sup>, և  
առ նոյնք եհաս 'ի քաղաքդ Բիւզան-  
դիոս: 'ի մարտ կոչեալ զնոյն զիւցազն  
յոժարեալ տարակուսեցանցանի <sup>2</sup> զնա,  
որ և ոչ հանդուրժեաց յանդնութեան  
բարբարոսին, այլ ելեալ մենամարտե-  
ցաւ և 'ի փախուստ դարձոյց զԵմոս առ  
Ըլերըն՝ որ էր նմին համանուն:

Արդ Բիւզաս յետ յաղթութեանն Ե-  
մոսի՝ զգաւառաւն թրակայ հալածէր  
զթշնամիսն: Այլ Ողորուէս <sup>3</sup> Սկիւթա-  
ցոց թագաւոր ընդ իստրոս գետ ան-  
ցեալ, և առ նոյն իսկ պարիսպն հա-  
սեալ քաղաքին՝ տադնասպեալ վարանե-  
ցուցանէր զայնոսիկ՝ որ 'ի ներագոյն  
պարսպին էին, վասն որոյ և կինն Բիւ-  
զայ պրանչելին փիղալիս, ոչ ինչ զար-  
հուրեալ 'ի բազմութենէ պատերազմո-  
ղացն, այլ կանացի հնարիւքն վարեալ  
հալածէր զբարբարոսն մարտակցու-  
թեամբ վիշապացն: Քանզի ժողովեալ  
զօձս որ 'ի քաղաքին էին 'ի մի վայր,  
և ըմբռնեալ զնոսա պահէր զգուշու-  
թեամբ, և յանկարծակի երևեալ հա-  
կառակորդացն 'ի նմանութիւն նետից  
կամ նիզակաց արձակէր զգազանսն  
ընդդէմ նոցա, և զյոգունս 'ի նոցանէ  
սատակեաց, և այսու եղանակաւ ա-  
պրեցոյց զքաղաքն: Աստուստ այսու-  
հետեւ նախնի առասպել բերի, ոչ պարտ  
գոլ զօձան՝ զոր ըմբռնեն յայսմ քաղա-  
քի՝ կորուսանել սատակմամբ, որպէս  
երախտաւորս նմա:

Այլ ոչ (յետ) բազում ժամանակի  
այր ոմն անուանեալ Ստրոմպուս <sup>4</sup>, և նա

1 Եմա կամ Իմա էր արքայ Թրակիոյ, որ ցան-  
կացեալ աստուածական փառաց և պատուոյ՝ որ  
պէս և կին իւր Հոռոսպէ՝ փոխեցաւ 'ի լեռնա-  
ուստի և յանուն նոցա կոչին զօմիք լերանց որ  
ձգին ընդ Թրակիա և ընդ Ասիա ստորին,  
այսմ՝ Պալանոս:

2 Պարտէ իմանալ այսպէս զբանդ. «յոժա-  
րեալ կործանել զնա 'ի սպառ:»

3 Երկնակիս մերում Դիւսիւս:

4 Ստրոմպուս ասի եղայր Բիւզասայ՝ ըստ  
Բիւզանդացի պատմաց:

'ի Կերովես կնոյն ծնեալ՝ պատերազմ՝  
յարուցանէ ընդդէմ Բիւզանդեայ բա-  
ղում զօրք, ընդ որում և միաբանէին  
ամենայն ազգն Սկիւթացոց . ընթա-  
նային ընդ նմա և Ելլադացոց զօրքն և  
Ռոդացոց՝ ոչ դիւրապարտելի զօրու-  
թիւնք . և մերձաւորք սոցունց, Կարքե-  
դոնի վայրապետն Դինէոս անուն <sup>1</sup> 'ի  
Մեդարացոցն բացաբնակ <sup>2</sup> . անդանօր  
եղեալ ինն և տասն ամաւ յառաջ քան  
զԲիւզանդիոնի անձնիշխանութիւնն <sup>3</sup> :

Այլ Բաղկեզոն անուանեալ է վայրն,  
որպէս ոմանք ասեն, յանուանակցու-  
թենէ խալկեզոն գետոյ, և այլք ոմանք՝  
'ի Քալկիդէա քաղաքէ՝ <sup>4</sup> որ է 'ի Բիով-  
տացոց աշխարհին, բացաբնակք ե-  
կեալք 'ի նա, զորս և կոչրս կոչեցին  
վասն չտեսանելոյն զԲիւզանդիոն <sup>5</sup> :

1 Վայրապետ՝ է նիւթական թարգմանութիւն  
յունին τοπαρχης.

2 Բացաբնակ, այսինքն դաղթական:

3 Անձնիշխանութիւն, գղ. autocratie (տե-  
րութեանց):

4 Բազմազոյնք 'ի պատմագրաց՝ 'ի Քալկիդէա  
քաղաքէ ասեն զյորըրըրումն անուանդ:

5 Զկոչր կոչումն Քաղկեզոնի բնակչացն հաս-  
տատէ և Տակիտոս պատմիչ հռոմայեցի յիւր Տա-

Այլ իբրև յորովագոյն նաւուք Դի-  
նէոս վայրապետ բռնաւորն Կարքեդո-  
նացոց 'ի մարտակցութիւն եկն Բիւ-  
զանդիոսի, նորա աստուած փոխեալ և  
զօրացն զանգիտելով՝ նա առ տեղին  
կոչեցեալ Անապլաւն <sup>1</sup> հասանէր, յո-  
րում և դեգերով՝ Իջաւանս <sup>2</sup> զտեղին  
անուանեաց: Եւ փոքր ինչ յետոյ ան-  
ցեալ 'ի քաղաքն և դարբարոսն մեր-  
ժեալ՝ երկրորդ զօրավար եղև Բիւզան-  
դացոց հանդիսին <sup>3</sup> » : . . . . .

## Հ. ԱրօԷՆ ՍՈՒՅՐԵԱՆ

բեգիրսն, և գերկերն կոչէ՝ Իւրադ աւաւաւ. cœ-  
corum terra.

1 Անապլաւն. յոյնն՝ 'Αναπλους.

2 Իջաւանք. յոյնն՝ 'Εσία.

3 Յայս վայր ունի մեր ձեռագիրս, այլ զկնի  
կարգէ և գոյզն բան յաղագս եկեղեցւոյն սրբոյն  
Սոփիայ, և է այս. « Արդ որպէս յառաջագոյն  
ասացաւ, հաւաքեցաւ ամենայն նիւթ տաճա-  
րին սուրբն Սոփիայ՝ յամս հինգ և ամիսս վեց, և  
շինեցաւ 'ի տանն հազար արանց, ամս ինն և  
յամիսս տասն. և լինին միահամուռ ամբ հնգե-  
տասն. այլ ամենայն ծախք տաճարին բոլոր  
շրջակայիւք իւրովք առանց սուրբ անօթոյն, և  
այլ անբաւ զարդուցն և նիւթոցն՝ որ ըստ պար-  
գէի տուան 'ի թագաւորէն, էին կենդինաբք  
վ. Տ. (3200). և արկանէր թագաւորն ըստ ա-  
մենայն աւուր 'ի հոգն դրամս արծաթի » (2000):  
Եւ Քրիստոսի փառք յաւիտեանս, ամէն » :